



24. April 2019

UPA 2019/121
Aqqalu C.Jerimiassen

Ilinniagaqarnersiutit pillugit nalunaarutip allannguutissaatut siunnersuummik kingusinnerpaamik UKA 2019 sioqqullugu saqqummiusseqqullugit Naalakkersuisut peqquneqarnissaannik Inatsisartut aaliangiiffigisassaattut siunnersuut. Taamaalilluni ilinniartup ilinniarluni aallartinnermi kingorna, akiliunneqarluni angalasinnaatitaanini siulleq juullimi imaluunniit aasakkut atuangiffiup nalaani atussanerlugu nammineerluni aaliangersinnaaleqqullugu.

(Inatsisartunut ilaasortaq Peter Olsen, Inuit Ataqatigiit)

Inuaqatigut imminut napatissinnaanissaat nammineersinnaalernissaallu anguniarlugu tamatta siunertaqarnerartuarpugut. Ataguli taava immitsinnut apereqqaalaariarta?

Ilinniarnersiutit pioreerput, ilinniarneq akeqanngilaq, ilinniariarfissatsinnut billetsimut akiliunneqartareerpugut ila allaat angajoqqaatsinniluunnit sulii najungaqaralarutta ilinniarnersiutigut appaallalaaginnarlugit paarisussaavagut. Ersiutaariinnginnerpat tamakkua nunarsuup sinneranut naleqqiulluta ilinniartitaanikkut atugassarititaasut qanoq pitsaatigereerleri ilinniartortatsinnut?

Ilinniarnerna ila inuttut perorsaatisaqq piisaakalaariarfiunngilaq! Aap, angerlarserneq piusarpoq namminerlu misigisarnikooqaara tamanna ilinniartuuninni ingasammik ilaqquttat najornagit nammineq juullisiortussanngorama, akiorneqarsinnaasimaqimmallumi naammassisaqarnikuullunga maanna maaniippunga. Takorloorsinnaareerparalumi maanna maani inersuarmititut ilinniartuugallarassi tamapajaassi tamanna misiginikuussagissi.

Immitsinnut taava tassani apereqqissinaalerpugut, taamannak sapaassuit nalaanni angerlarsertaralarluni qanoq inuttut ineriartuutaasarpa tamanna?

Inuusuttoq ilinnartoq tassaasartussaaniarpoq ilinniakkaminik naammassiguni namminiilertussaqq, ilami ilinniarnersiutit qaangiuppata billetsillu aallalernermi tunniunneqaannartartut qaangiuppata kiap allap isumagissammagit? Innuttaasut immitsinnut pilersorsinnaaneruneq akisussaaffeqarluta ilinniartariaqarparput.

Atassummiik maluginiarparput siunnersuuteqartup ilaatigut ersersikkaa aallarteqqaaginnarluni semester siullermi ingerlaannaq akiliunneqarluni ukiup tullianut atugassaagaluumik nuutsitsinnaaneq billetsimik, tamannalu Atassummiik taarusupparput ukiumi naatsorsuiffiusumi aningaasartuutissanik nikingasitsilissaqimmat paatsiveerussaataassaqalunilu ukiup tullianut aningaasartuutigiumaagassat ilai ukiumik sioqqutsilluni atoreerniarneqartalerparata.

Ilinniartortatta sumiinnertik perorsaaticilissuk, Atassummiillu una nipi tusartilaariartigu; qujamasuuteqarsinnaanneq taamannak atugassaqartinneqaratta isiginiarnerusarniartigu,



ajortortassaannaanik qinaasivallaarunnaarluta, kiammitaavami allat taamannak pissammatsigut nunarsuup sinnerujussuani. Ila nunatsinni ilinniarnikkut atugarissaartitaareeqaagut.

Atassummiik taama oqaaseqarlunga itigartinneqarnissaanik innersuupparput.